

EPI TOMES
ASTRONOMIAE
Copernicanæ

LIBER PRIMVS.

De principiis Astro-
nomiæ in genere, doctriinæq;
SPHÆRICÆ in specie.

Quid est ASTRONOMIA?

EST scientia, causas tradens eorum,
quæ nobis in Terra versantibus de cælo & stellis
apparent, Temporumq; vicissitudines pariunt: quibus
perceptis, cœli faciem, hoc est, Apparentias cœlestes in
futurum prædicere, præteritarumq; certa tempora assi-
gnare possimus,

Vnde dicta est Astronomia?

Ab Astrorum, id est motuum, quibus astra mo-
ventur, lege seu regimine, ut Oeconomia à regenda re
domestica, Pædonomus à regendis pueris.

Quæ est cognatio hujus Scientiæ cum cæteris?

1. Est pars Physicæ, quia inquirit causas rerum & e-
uentuum naturalium: & quia inter ejus subjecta sunt
motus corporum cœlestium: & quia vnus finis ejus est,
conformationem ædificij mundani partiumq; ejus in-
dagare.